

Buletini Informativ



2023
KORRIK - GUSHT - SHTATOR

Kosova A me 2 fitore e 2 humbje

Kosova kishte dy fitore e dy humbje në parakualifikimet për Eurobasket 2025. Dardanët e nisën me fitore, duke mundur Zvicrën 76:49, në sfidën e zhvilluar në Prizren. Më pas pësuan nga Danimarka 82:75, kurse në Fribourg erdhi një fitore e ëmbël dhe shumë e dashur ndaj Zvicrës 72:76, ku tifozët shqiptarë i dhanë përkrahje të madhe. Në ndeshjen vendimtare, Dardanët pësuan nga Danimarka 63:88 dhe nuk arritën kualifikimin tutje.



Kosova U20M renditet e 11-ta

Kosova U20 është renditur në vendin e 11-të në Kampionatin Evropian, Divizioni B, që u mbajt në Shkup të Maqedonisë Veriore.

Kosova-Gjeorgjia 70:80
Suedia-Kosova 84:76
Kosova-Azerbajxhani 75:71
Ukraina-Kosova 78:62
Letonia-Kosova 78:81
Bullgaria-Kosova 115:80
Kosova-Austria 78:67

Kosova U20 (F) nuk arrin të fitojë në Rumani

Kosova U20 në konkurrencën e femrave mori pjesë në Kampionatin Evropian, Divizioni B, në Craiova të Rumanisë. Por, vashat e Kosovës pësuan 6 humbje në 6 ndeshje.

Holanda-Kosova 87:57
Kroacia-Kosova 43:85
Sllovenia-Kosova 79:49
Sllovakia-Kosova 93:32
Kosova-Bullgaria 62:80
Kosova-Austria 50:83



BULETINI INFORMATIV

Kosova U18 (M) në vendin e 21-të në Portugali

Kosova U18 (M) është renditur në vendin e 21-të në Kampionatin Evropian, Divizioni B që u mbajt në Portugali.

Kosova-Estonia 60:68
Holanda-Kosova 82:67
Kosova-Rumania 64:98
Irlanda-Kosova 77:70
Kosova-Rumania 68:78
Kosova-Zvicra 84:85
Shqipëria-Kosova 64:85

Vashat e Kosovës U18 të gjashtat në Shqipëri

Kosova U18 është renditur në vendin e gjashtë nga shtatë shtete në Kampionatin Evropian, Divizioni C në Durrës të Shqipërisë.

Kosova-Shqipëria 45:63
Armenia-Kosova 73:48
Moldavia-Kosova 61:85
Qipro-Kosova 85:54

Edhe një Evropian me sukses u zhvillua në Prishtinë

Nga 19 deri më 27 korrik është mbajtur Kampionati Evropian, Divizioni C për meshkuj U16. Në këtë Evropian kanë marrë pjesë nëntë shtete, ndërsa të gjitha ndeshjet janë zhvilluar në palestrën "1 Tetori" në Prishtinë, ndërsa interesimi ishte i kënaqshëm për këtë Evropian. Federatës së Basketbollit të Kosovës iu nda çmimi për organizimin e eventit, ku çmimin e pranoi Drejtori Teknik në FBK, Arben Krasniqi. Qipro u shpall kampione, ndërsa MVP u shpall basketbollisti i Qipros, Demir Oztoprak. Lis Binishi hyri në Top 5.






BULETINI INFORMATIV

Dushku e përfaqësoi FBK-në në Kongresin e FIBA-s në Manila

Sekretarja e Përgjithshme e Federatës së Basketbollit të Kosovës, Elvira Dushku e ka përfaqësuar FBK-në në Kongresin e FIBA-s, që është mbajtur në Manila më 23 e 24 gusht, ku është zgjedhur Presidenti dhe Bordi Qendror i ri i FIBA-s. Krahas Kongresit Dushku ka marrë pjesë edhe në hapjen solemne të Botërorit, që është organizuar më 25 gusht në Manila me një atmosferë të pahamuar. Dushku ishte edhe pjesë e Punëtorive të organizuara nga FIBA në kuadër të Kongresit me temat: Vajzat dhe Gratë në Basketboll, Integriteti në Basketboll dhe Përgatitja e Planeve Strategjike për Federatat Nacionale.



Hera e parë në Kosovë që organizohet turneu i FIBA 3x3 U23 Nations League

Nga 10 deri më 12 korrik në kryeqytetin e Kosovës është mbajtur për herë të parë në vendin tonë, turneu i FIBA 3x3 U23 Nations League. Gjithashtu kjo ishte hera e parë që Kosova U23 mori pjesë në këtë garë në të dyja konkurrencat. Gjithsej morën pjesë gjashtë shtete të femrat dhe gjashtë të meshkujt, ku në qendër të Prishtinës u zhvilluan ndeshje shumë të mira dhe cilësore, ndërsa në fund të ditës u zhvillua edhe finalja të meshkujt dhe femrat. Shtetet pjesëmarrëse ishin Kosova, Gjermania, Turqia, Greqia, Hungaria dhe Holanda.



Spektakli i basketbollit 3x3 vazhdoi me FIBA 3x3 Women's Series dhe FIBA 3x3 Challenger Prishtina



Sërish në qendër të Prishtinës u organizua një turne ndërkombëtar i 3x3, kësaj radhe FIBA 3x3 Women's Series dhe FIBA 3x3 Challenger Prishtina, ku FBK ishte bashkëorganizatore e kësaj ngjarje, kurse organizatore është klubi Prishtina 3x3. Eventi u organizua nga 14 deri më 16 korrik. 14 shtete morën pjesë në FIBA Women's Series, kurse për Kosovën që debutoi garuan Saranda Daci, Enisa Kamerolli, Agnesa Rrahmani dhe Sara Vraniqi. SHBA triumfoi te kjo garë, ndërsa Amsterdam te meshkujt. Te meshkujt morën pjesë ekipe nga mbarë bota, ndërsa nga Kosova ishte BarBon i Prizrenit.



BULETINI INFORMATIV

Kampi Nacional i FBK-së, synon zhvillimin e gjeneratave të reja

Nga 18 deri më 23 korrik është mbajtur Kampi Nacional i Federatës së Basketbollit të Kosovës. Në këtë Kamp kanë marrë pjesë fëmijët e gjeneratës së lindur më 2010-2011, në të dyja konkurrencat, ndërsa janë vëzhguar nga trajnerët/et gjatë gjithë kohës. Synimi i këtij kampi është zhvillimi i gjeneratave të reja, që më vonë do të jenë pjesë e Përfaqësuesve të Kosovës dhe do të jenë e ardhmja e basketbollit.



Kampi i Basketbollit nga Kosovo Basketball Heritage Academy dhe Federata e Basketbollit e Kosovës

Nga 21 deri më 25 gusht është mbajtur me sukses kampi i basketbollit për moshat 8-16 vjet në katër qytete të Kosovës: Prishtinë, Prizren, Pejë dhe Gjakovë. Ky Kamp është organizuar nga Kosovo Basketball Heritage Academy dhe Federata e Basketbollit e Kosovës. Pasi është mbajtur në katër qytetet e Kosovës, më 25 gusht në kryeqytetin e Kosovës është zhvilluar edhe All Star final njëditor, ku janë shpallur MVP në të dyja konkurrencat.



Në kamp kanë punuar Edona Thaqi, Brian S. Kriftcher, Sarah Kustok dhe Falecia Cabral Porter. Kampi është vëzhguar nga Arben Krasniqi, Drejtor Teknik në Federatën e Basketbollit të Kosovës.

Kosova shënon fitoren e parë në FIBA 3x3 U23 Nations League

Kosova ka regjistruar fitoren e parë në garat e FIBA 3x3 U23 Nations League që u zhvilluan në Hungari nga 1 deri më 3 gusht. Këtë e arritën vashat e Kosovës, duke mundur Greqinë me rezultat 21:15. Kjo ishte fitorja e parë në ditën e tretë. Në këtë garë morën pjesë edhe meshkujt, që ishin afër fitores, ku pësuan nga Gjermania 21:20. Kosova për herë të dytë u paraqit në FIBA 3x3 U23 Nations League. Pas garave në Prishtinë, vashat dhe djemtë e Kosovës garuan në Szolnok të Hungarisë.



BULETINI INFORMATIV

Kosova 3x3 për herë të parë në Lojërat Mesdhetare në Rërë "Heraklion 2023"

Nga 9 deri më 16 shtator janë mbajtur Lojërat Mesdhetare në Rërë "Heraklion 2023". Për herë të parë Kosova do të garojë në 3x3, te meshkujt dhe femrat. Kosova te meshkujt ishte në grup me Greqinë, Kroacinë dhe Maqedoninë Veriore, kurse femrat me Tunizinë dhe Kroacinë. Kosova 3x3 (M) mundi Maqedoninë Veriore 14:12, që ishte fitorja e parë në këtë turne dhe e vetmja në të dyja konkurrencat. Në përgjithësi kanë marrë pjesë 26 shtete me 13 sporte të ndryshme. 765 sportistë ishin me 1131 pjesëmarrës në përgjithësi.

FBK për herë të parë me përfaqësues në një Komision të FIBA Botës, Dushku emërohet anëtare e Komisionit të FIBA 3x3

Federata e Basketbollit e Kosovës (FBK) për herë të parë do ta ketë një përfaqësues në një Komision të FIBA Botës. Bëhet fjalë për emërimin e Sekretares së Përgjithshme të FBK-së, Elvira Dushku në Komisionin e FIBA 3x3 nga Bordi Qendror i FIBA-s. Emërimi i Dushkut sipas Bordit Qendror të FIBA-s ka ardhur si rrjedhojë e aftësive, përvojës dhe angazhimit të saj për zhvillimin e basketbollit. Mandati i Dushkut në FIBA Komisionin 3x3 është katërvjeçar (4) 2023-2027.

Novak vizitoi Kosovën

Drejtori Ekzekutiv i FIBA Evropës, Kamil Novak, më 19 korrik ka vizituar Kosovën. Novak është takuar me drejtuesit e FBK-së, ndërsa më pas i shoqëruar nga Kryetari Arben Fetahu dhe Sekretarja e Përgjithshme, Elvira Dushku kanë vizituar Komitetin Olimpik të Kosovës. Novak vlerësoi lart punën dhe përkushtimin e FBK-së për avancimin e basketbollit, derisa përmendi organizimet e shumta ndërkombëtare që po i bënë federata, si dhe shprehu konsideratën e lart edhe për emërimin e Fetahut, anëtar i Bordit të FIBA Evropës.

Novak ishte i pranishëm në ndeshjen e Kampionatit Evropian, Divizioni C për meshkuj U16 mes Kosovës dhe Maltës, e më pas Kosova A me Zvicrën.





BULETINI INFORMATIV

Trepça triumfon në Superkupë

Trepça është fituese e Superkupës së Kosovës në basketboll. Mitrovicasit në finale kanë mundur Pejën me rezultat 78:76. Kevin Davis u shpall MVP i turneut, gënim të cilin ia dorëzoi Sekretarja e Përgjithshme e FBK-së, Elvira Dushku, ndërsa trofeun kapitenit të Trepçës, Valdrin Haxhiu ia dorëzoi Kryetari i FBK-së, Arben Fetahu. Në këtë garë morën pjesë tetë skuadrat e elitës së basketbollit. Superliga e Meshkujve u zhvillua nga 13 deri 17 shtator.



Mundet Peja, vazhdon garat në FIBA Europe Cup

Peja ka pësuar humbje nga kampioni i Danimarkës, Bakken me rezultat 103:79 (23:16, 25:9, 29:30, 26:24), në takimin e zhvilluar në Antalia të Turqisë, në çerekfinale të kualifikimeve për Ligën e Kampionëve. Skuadra pejane gjithsesi do të vazhdojë garat në arenën evropiane, ku do të garojë në grupet e FIBA Europe Cup. Në takimin e zhvilluar në Turqi, pejanët ishin të barabartë në pjesën e dytë, por gjithsesi dallimi i madh u bë në pjesën e parë që ishte vendimtar. Te skuadra pejane më i miri ishte Jacob Calloway me 14 pikë, tetë kërcime dhe pesë asistime.





BULETINI INFORMATIV

Aktivitetet e FBK-së

- Fetahu dhe Rraci marrin pjesë në Konferencën “Forumi për Sport”
- Klinikë për Trajnerët e Basketbollit, ku ligjëuan Bradley Soderberg dhe Luca Palumbo
- Mbahet FIBA Scod Klinika me Gjyqtarët e Basketbollit
- Programi PROMISE mbahet në Portugali, marrin pjesë Dushku dhe Medunjanin
- Artina Hasani, pjesëmarrëse në Programin S2ABC Project për Administratën Sportive
- Mbahet Kursi Teknik i FIBA-s, Niveli 1, Grupi 4
- Arta Mustafa dhe Jeta Zeka në FIBA European Women's Basketball Summit
- Driton Obërtinca në Programin FIBA Europe Coaching Certificate
- Basketbollistja e re Etna Rexhepi ishte pjesë e Basketball Without Borders European Camp
- Spaqi diplomon me sukses në FIBA Europe Coaching Certificate
- Dushku, Abdullahu dhe Braha rrëfejnë për karrierën e tyre dhe basketbollin e Kosovës para studentëve të 'RIT Kosovo Peace & Conflict Summer program'
- Nderim Januzaj, Arta Mustafa, Butrint Bajraktari dhe Arsim Berisha përfundojnë kursin me sukses në Turqi
- FBK me 4 FIBA Gjyqtarë për periudhën 2023-2025: Xhelal Mumini, Ngadhnjim Shabani, Elldin Uglari, Amar Djekovic



FALEMINDERIT

